



U okviru projekta *Evropski akt o malom biznisu kao okvir strategija i politika za mala i srednja preduzeća u Bosni i Hercegovini – SBA in BiH*, Agencija za razvoj preduzeća – Eda, Banja Luka, raspisuje:

JAVNI POZIV

za dostavljanje prijava za uvođenje inovacija u MSP sa područja Grada Zenica u okviru vaučer programa iz Mehanizama za podršku implementaciji strategija razvoja MSP

1. Predmet i poziva

Agencija za razvoj preduzeća Eda, Banja Luka objavljuje Javni poziv za sufinansiranje konsultantskih usluga u okviru vaučer programa iz *Mehanizama za podršku implementaciji strategija razvoja MSP – SIEM*.

Aktivnost se provodi u okviru projekta *Evropski akt o malom biznisu kao okvir strategija i politika za mala i srednja preduzeća u Bosni i Hercegovini – SBA in BiH* (Projekat). Projekat je finansiran od strane Švedske, posredstvom Švedske organizacije za međunarodni razvoj i saradnju - SIDA.

Javni poziv se raspisuje u saradnji sa Zeničkom razvojnom agencijom ZEDA iz Zenice i Službom za privredu i upravljanje razvojem Grada Zenice.

Cilj javnog poziva je unapređenje konkurentnosti malih i srednjih preduzeća (MSP) sa područja Grada Zenice, kroz proces uvođenja inovacija koji obezbjeđuje unapređenje postojećih ili razvoj novih proizvoda/usluga ili procesa u poslovanju.

2. Prihvatljivi korisnici vaučera

Prihvatljivi korisnici vaučera su poslovni subjekti registrovani kao privredna društva ili preduzetnici (obrti) u skladu sa normativnim i zakonodavnim okvirom i koji ispunjavaju sljedeće uslove:

1. Pripadaju kategoriji MSP,
2. Registrovani su u Gradu Zenica,
3. Posluju u jednom od prihvatljivih sektora,
4. Do trenutka objave ovog javnog poziva obavljaju djelatnost duže od 12 mjeseci.

Prihvatljivi sektori iz tačke 3. navedeni su u prilogu Uputstva za prijavu na vaučer program (Uputstvo).

Detaljniji uslovi u vezi sa prihvatljivošću podnosilaca prijava navedeni su u Uputstvu.

3. Raspoloživa sredstva, sufinansiranje i namjena sredstava

Ukupan raspoloživi iznos za sufinansiranje konsultantskih usluga za ovaj javni poziv je 100.000,00 KM.

Maksimalan pojedinačni iznos sufinansiranja iz vaučer programa iznosi 14.000,00 KM, dok je minimalni iznos 5.000,00 KM. Podnosioci prijava su dužni obezbijediti sufinansiranje predloženih konsultantskih usluga iz sopstvenih izvora, u skladu sa navedenim u Uputstvu.

Sredstva iz vaučer programa namijenjena su realizaciji projektnih intervencija koje doprinose uvođenju inovacija u MSP, korištenjem usluga poslovnih subjekata, kao i usluga naučnih, obrazovnih i istraživačkih ustanova/institucija.





4. Ocjena prijava

Sve predložene prijave biće ocijenjene na osnovu formalnih uslova i kriterijuma koji se odnose na:

- Kompletnost prijave,
- Prihvatljivost podnosioca prijave,
- Prihvatljivost pružaoca usluge,
- Prihvatljivost predložene konsultantske usluge.

5. Podnošenje prijava

Uslovi za prijavu, detaljno pojašnjenje načina prijavljivanja, Uputstvo, kao i kompletni obrasci i potrebna dokumentacija dostupni su na linku <http://bit.ly/2P8TLNJ>.

Prijave se dostavljaju u jednoj, zapečaćenoj koverti, preporučenom pošiljkom ili lično na adresu „Agencija za razvoj preduzeća – Eda“, Đure Jakšića 11, 78000 Banja Luka, sa sljedećom naznakom na koverti: „**Prijava za dodjelu sredstava za uvođenje inovacija u MSP**“, **ne otvarati prije sastanka Komisije**.

Izbor korisnika će se vršiti prema redoslijedu dostavljanja prijava, do utroška raspoloživih sredstava, s tim da je krajnji rok za dostavljanje prijava 21.4.2021. godine, do 15 časova.